

皇朝分類名家絕句

下



PL 2651
.I79
v.3

Setsai Ishikawa

Kōchō bunri meika zekku.



皇朝分類名家絕句卷之三

省齋石川介編

詠史

讀神皇紀

櫻井訣鬼期死身。越山流箭刎頭人。南風不競悲天數。

空向筆端誅賊臣。

讀應仁紀

白著剝民心曷憐。一間錦障幾多錢。阿麼不顧四方亂。

猶築迷樓迷醉仙。

讀吉野拾遺

皇朝分類名家絕句

卷之三

詠史

五紀櫻花開復零。中原龍戰血猶腥。可憐一曲烏頭白。
枉使君王帶笑聽。

詠史

禮樂傳來啓我民。當年最重入唐風。西風不為歸帆便。
莫說晁卿是叛臣。

讀史

徒慕李家文物盛。枉教皇國武威輕。入唐畢竟成何
事。遺恨當年留學生。

又

已被秋風弄赤旗。果然奢儉決安危。小松固有棟梁用。

支得門牆幾時。

又

晴六十神

九皋

春霧朦朧日失紅。可憐孤楫是行宮。須磨浦上煙波裡。
吹落梅花飛逐風。

又

枕山

忠諫不行忠死耳。傳兒賴有寸心丹。賜刀并付冰三尺。
身後令他賊膽寒。

又

磐溪

京利狂炎殞此身。半生鴻業委灰塵。九原應悔貪奇利。
誤賞當年餌母人。

空與梟雄爭一隅。越公強戰計何疎。大聲如問父安在。
慚服不唯頭痛書。

又

小山

南山王氣漠然收。西鳥東魚貉一邱。恨殺當時天帝醉。
獼猴容易取靖洲。

又

佛山

奇相休嘲類沐猴。龍顏日角是同儔。朝三暮四不充腹。
一口併吞六十州。

源語六十帖單賦浮舟

茶山

黃鳥藏身入柳堤。翠陰深處好安棲。奈何花氣來相襲。

更向天桃枝上啼。
可就花陰就柳陰。
恨不分身各抱衾。

又抽柔蔓故纏綿。一扇相思兩世緣。香盡葩空根不絕。

詠稗史。回首寒窗。一語瑯川。山嶺香
抖擻荒郊雪阻行。冥投有主太多情。盆栽燒代。虞房盡。
何計寒門異日榮。

偃禾拔木晝猶昏。未必周公自訴冤。天地唯留詩卷在。
謗書不復傲龍門。

管丞相

錢堯

西都風月付長嗟。回首浮雲是帝家。一去騎龍仙跡杳。
空留正氣在梅花。

謁太宰府管廟

珮川

恩勅由來配聖尼。管家祠廟儼于斯。未將心字池中藻。
欽想鴻臚摘挾時。

抵太宰府謁管廟

登登庵

朝辭雲裏鳳皇城。暮宿洲間孤鬼迎。誦得千行落淚句。

深知當日謫居情。

延壽王院藏右相筆蹟云離家三四月落淚百千行。萬事皆如夢。時時仰

蒼彼

帝意寧知期玉成。鬼神元自惡高明。如教右相無遷謫。
爭見蘋蘩千載榮。
竈門絕岳寒雲外。宰府神祠古木中。猶有飛梅遺愛樹。
年年春信報東風。

李夏管廟祀日舟中題

竹山

羽衛迎神下水涯。僊童擊鼓絳巾垂。画舫綵舫觀如堵。
不似西溟竄逐時。

阿部晃卿

枕山

其奈唐賢苦死留。月明滄海恨悠悠。西風若借一帆便。
歸卧故山三笠秋。

小野篁

同

隱島長篇字字珠。悟真寺什比工夫。神清只讓香山好。
不在兜天在鄴都。

源公清

同

在澗能忘至貴身。絕交只與簡編親。流風傳播殆千載。
歷歷嵯峨多逸民。

源公融

同

造竈燒鹽巧思深。區區豈足見幽襟。當時唯有月橋月。

照出斯人明哲心。

在原業平

同

第五翻居第一流。才名冠絕六仙儔。歌辭楓葉共傳美。
占斷龍田川上秋。

菅原文時

同

人謂才情比樂天。花間竹裏好詩聯。我言忠謹亦如彼。
封事憂時論幾篇。

藤原保昌

茶山

清客吹笛夜街中。豪客何知是世雄。繡袴脫來無所惜。
惜吾三弄未全終。

八幡公

山陽

結髮從軍弓箭雄。八州草木識春風。白旗不動兵營靜。
立馬邊城數亂鴻。

平相國

茶山

片時宮闕戰防勲。二紀門庭鷁鷺群。誰料魯陽回日手。
却麾朝旭一將軍。

平相國

雲嶺

填海為洲真足偉。截岩通舶豈非雄。莫將權勢廿年事。
枉掩濟民千歲功。

平忠度

雲如

絳雪紛紛混。霄塵。錢衣暫此假芳茵。可憐明日春同盡。
也喚山花做主人。

平忠度

佛山

孤川回馬叩師門。一首櫻花千載春。至竟風流無匹敵。
源軍休說插梅人。

經正

雲如

奈此鸞飄鳳泊何。回鑣獨扣法王家。生前一曲廣陵散。
忍共檀槽埋海涯。

敦盛

雲如

一枝玉笛百年身。似與仇讎有宿因。昨夜城頭明月下。

何啻那是賞音人。

敦盛

珮川

玉笛誰啻北敗軍。梅花零落夜紛紛。平家公子知多少。
今日路人唯吊君。

木曾義仲墓

星巖

更有何人薦藻藻。澹烟微雨鎖黃昏。湖南三尺無情土。
瘞却英雄未死魂。

兼平墳

蘆洲

栗津原曠古墳孤。憶與主君霸失途。只合當時燒校道。
發揮朝日照岐岨。

源廷尉

山陽

寶刀跨海斬鯨鮑。貝錦歸鄉忽斐萋。阿兄不識肥家策。
枉煮同根養此雞。

又

松陰

海斬鯨鮑猛勝風。陸逢虺蜮蠕於蟲。唯傳齟畧不傳忍。
遺恨鞍山黃石公。

源太景季

茶山

插花魚簞叩轅門。拚命唯期芳譽存。驛角風流長未朽。
村翁猶指老梅根。

佐佐木盛綱

支峰

奮鞭躍馬破波光。智勇同功棣萼香。若把菟川比藤戶。
四郎未必勝三郎。

二曾我

雲嶺

吞恨多年共雌伏。報讎一夜忽雄飛。固於山岳源公陣。
不省原鵠入獵圍。

曾我兄弟墓

鶴汀

鵠原風冷暮蟬收。吊古誰能不涕流。艷骨同傳美人節。
與他孝烈共千秋。

北條時宗

梅墩

棄甲成山大海濱。神風一夜靖胡塵。憐公處置妙相當。

不殺南人殺北人。

納言藤房

枕山

可耐禁垣妖祲侵。披緇去入白雲深。秋來夜夜空山月。
照見為僧未了心。

藤原藤房

佛山

朝衣忽換法衣輕。聽取南風有死聲。莫道岩倉山月色。
不如千占湊川清。

新田義貞

同

義兵一舉戮長蛇。千里退潮威力多。翻對佳人惜離別。
只難防禦是秋波。

楠公

海屋

奮然許帝以馳驅。忠武忠謀亦曷殊。一卷留傳三世策。太贏雲鳥遺間畬。

又

小竹

兵機妙用恰如神。自是中興第一人。可憾君王無皂白。令臣累世作忠臣。

又

雪江

君是南朝梁棟臣。恨他君死業無成。請看南木堅如此。化石長留不朽名。

拜楠公河州墓

琬川

三世勤王。奈命何。空憐一夢付南柯。貽謀當日唯忠
膽。皜皜千秋暴瀼河。

楠公墓

春濤

笠置山寒貉一邱。延元陵古水東流。南朝無限傷心淚。
灑向楠公墓畔秋。

楠正儀

小山

海內何時兵氣沈。兩朝伺釁互相侵。老臣附賊有深意。
誰測溫嶠當日心。

村上義光

枕山

驚見王旗賊裏懸。搏人奪取錦連翩。欲知之子功勞重。

日月雙輪擔在肩。

北條早雲

枕山

兩杉如草一莠除。旋見八州雄志舒。總攬士心元了了。累人多事講兵書。

過早雲寺

竹山

八州封殖蔑三隣。五世雄威役百神。今日空山鐘磬寂。老僧時掃墓前塵。

詠甲越二公

磐溪

驚倒暗中馳鏡丸。野田城上笛聲寒。誰知七十二疑塚。不似一棺湖底安。

春日山頭鎖晚霞。驂騑嘶盡有啼鴉。惜君獨賦能州月。
不詠平安城外花。

藤肥州

枕山

遺孤存沒係將軍。避害唯應保老身。不向關原賣餘勇。
負孤人是莊孤人。

謁加藤侯廟

淡窓

風帆競入釜山雲。要立平韓第一勲。不道小西非壯士。
啼兒偏畏鬼將軍。

寸木難支大厦頽。丹心抵死未嘗灰。遺孤可託真君子。
夙誦曾參一語來。

大隄村吊熊先生墓

磐溪

不歎遺骨託荒陲。傳得聲名噪上游。欲吊先生問心術。
杜鵑哭遍古綏州。

詠花川戶助六

枕山

游冶誰畲有別腸。花川戶畔美聲場。不令名妓歸髯叟。
縱死猶聞俠骨香。

有智子內親王

茶山

皇女天才年尚童。同時詩賦歷唐宮。咲他鼎監友王李。
追琢還輸捺手工。

又

枕山

寅直齊宮獨奉神。山莊一律足才情。呼為有智副其實。
始見吾邦離象明。

小野小町

同

才色雙全小翠娥。不妨白髮意蹉跎。懷中錦繡殘生足。
路上襤褸美句多。

泉式部

同

暗裏去來泥幻身。名姬何處認天真。悟空唯仰摩尼照。
書寫山端月一輪。

紫式部

茶山

彤管文騷各競工。婉詞寓諷許誰同。最憐芳歲歌黃鵠。

不逐鷄奔當日風

又

梅墩

休言彤管勸淫奢。節操皜然誰又加。能使此心如錢石。廣平何害賦梅花。

又

枕山

閣臨慈雲亦選樓。條條源語寫風流。自茲湖月沒顏色。彤管煒然千古秋。

清少納言

同

歌句逢關情有餘。繼承翁祖占嘉譽。一篇奇著枕草紙。却比淮南鴻寶書。

小智

茶山

出宮潛避主恩專。金屋偏愁黃霧纏。宛見法輪三五月。
照來一曲想夫憐。

又

小竹

幽僻進來相國賔。淒涼夜月鎖佳人。中丞應勝蓬萊使。
連理呼回再度春。

小智怨

竹山

緇衣換却綺羅衣。薄命非緣恩幸稀。曾自中丞認琴調。
生憎明月照柴扉。

小式部内侍

枕山

摘藻才高二八春。從佗教訓隔慈親。女中子建唯君是。
生小篇章不倩人。

妓千壽

佛山

燈暗數行虞氏淚。悲歌相和倚琵琶。妾身亦化美人草。
長伴牡丹濃艷花。

千壽怨

竹山

中將南冠忱慨多。通宵春宴奈情何。幽閨幾度尋思夢。
泣斷雲兮一曲歌。

坂額

茶山

勁弓纖手勇如何。防遇攻兵曠日多。恨入鎌倉時已異。

不聞妓靜繭絲歌。

矢口女

同

歌舞纔叨數日親。恩情堪捨百年身。幸他艷骨黃泉下。
不見冤魂問水濱。

政子

小竹

一夜金函致白鵝。他年諸呂盡王侯。誰言為妹買春夢。
買得夫家六十州。

鞠繪

茶山

多為妍姿難保節。非懷雄志豈完身。佛前今日拈香手。
馬上當年斬將人。

妓靜

同山

秋波有燭警將然。卻冠殊勲身最先。更怪舞臺回雪技。
長刀傳法欲千年。

靜姬怨

竹山

被誤教坊第一身。舞衣在句鶴陵春。簾前花暖和風動。
尤憶芳山雪裏人。

阿古屋

雲如

千秋心契眼波中。一雨簾前綠不空。也似楊家紅快妓。
早從燈背認英雄。

淀嬪

蘆屋

木家有女復思春。不愛謀臣愛佞臣。知得傾城由內亂。
亂階全係未亡人。

詠近世節女

枕山

抵死將酬主女恩。誰憐賤婢耐勞勤。手中隻履如椎錢。
加向仇頭重十斤。

與郎生別斷情緣。養女幽棲節益堅。茶榻自今春寂寞。
落花風冷一絲烟。

華燭引

竹山

戶外初更迓綵輿。青衣左右笑相扶。雲屏暗處人如蟻。
細語新孃認得無。

冒絮深深掩玉顏。素裝宛似雪梅寒。蕭郎登席對無語。
侍女高擎仙島盤。

畫燭雲屏夜未央。侍兒瞻坐引新孃。傳酒翩翩雙蛺蝶。
對筵默默兩鴛鴦。

相撲

蘆洲

折臂摧眉幾勵精。擘鷹脫兔術方成。天生多力長身者。
未必場中第一名。

皇朝分類名家絕句卷之三

皇朝分類名家絕句卷之四

省齋石川介編錄

詠物類

櫻

菱湖

山雲濃暖白成堆。幾日晴烘擁不開。忽被驚風掀起去。
一團香雪漲空來。

櫻花

弘庵

牡丹濃艷寵明皇。早被胡塵污國香。萬古依然天上種。
我櫻真個是花王。

詠櫻

雪江

東方名種世皆推。海外何曾見一枝。欲識我邦人品美。
溫而如玉此花姿。

戲咏櫻花

枕山

清宜春雨艷春晴。絕勝穠紅滿錦城。若使放翁生此土。
海棠不愛愛山櫻。

早櫻

詩佛

腰肢纖細帶微香。一種風流淡薄妝。好箇報來春信早。
西廂記裏小紅娘。

晚櫻

竹溪

晚櫻最是多情樹。婪尾嬌容又一家。故著離離藍樣葉。

初開艷豔肉般花。

曉櫻

詩佛

淡淡輕風顫帽紗。征衫露濕欲啼鴉。及攀山上天全曙。
看作白雲潭是花。

雨櫻

同

東海佳人肥不癯。為君論價斗量珠。夢驚香汗透衣濕。
幻出驪山出浴畱。

風櫻

同

滿山春色欲闌時。風拂花邊陣陣吹。萬點翻香散為雪。
却勝梅蕊爛黏枝。

元旦櫻花

枕山

春王正月號花王。官柳官梅讓色香。只與扶桑相映立。
大東海靜受新陽。

垂絲櫻

六如

海棠顏面柳條腰。此種櫻中偏態饒。日濃風淡倦無力。
咲搭欄干自養嬌。

楊貴妃櫻

珮川

一片芳魂野馬臺。花王叢裡托名來。怜他天寶皇家使。
萬里唯携鈿合回。

瀑布櫻

在吉水院立
以形狀一名

拙堂

山麓花開到絕巔。一條曳白似飛泉。青蓮居士看何若。
銀漢無聲落九天。

隅田櫻花

鵬齋

長堤十里白無痕。訝似澄江共月輝。飛蝶還迷三月雪。
香風吹渡水晶村。

大石氏舊宅櫻花為赤穗河原生 磐溪

曾執主讐功已多。寧知舊宅屬他家。殘櫻留得當年色。
不負忠臣遺愛花。

卧龍梅

同

映發紅葩與素英。盆栽相競入宮庭。老龍獨抱南陽節。

偃臥春風喚不醒。

龜井戶管廟藤花

笛浦

滿架花開廟北隅。柔枝弱蔓影相鋪。君看右府當時恨。終被藤家紫奪朱。

棣棠

鴈齋

學士休言文選爛。春花選作菊花吟。青條叢翠君無誤。個個黃葩如散金。

枕岸棣棠

五山

紅紫已非時世妝。春風一樣換宮黃。萬畦塗抹菜花遍。更就池邊染棣棠。

子明家園連翹

馭風樓

金花滿架挂春光。百尺垂條拂地長。風暖鶯梭聲斷續。碧沙窗外織流黃。

卯花

蘆洲

晶簾雨過月華涼。鵲外籬叢認淨芳。恍訝馴遊梁苑夢。雪衣猶惹御爐香。

窰花

隨齋

紅紫般般破荅新。只言花户巧偷春。冰枯雪槁已含氣。窰藏爭如樹藏真。順正理論樹藏謂樹心也

唐花

五山

一枝未遑江南信。驚怪嬌紅入眼新。咄咄花兒有機智。
偷他桃李隔年春。

唐花

星巖

已放桃花又海棠。般般春色窖中藏。園丁欲罷老韓筆。
補裨化工恁地忙。

春楓

崧庵

簷滴無聲雨似絲。捲簾坐愛軟風吹。誰知小杜紅於句。
翻在春園嫩葉時。

歲暮松

和歌顯

五山

蒼官歲晚最精神。風雪山中不記春。却恨斧斤人伐出。

搬來城市染紅塵。

黃楊

詩佛

誰道黃楊厄閏年。纖枝細葉總欣欣。不妨俗匠伐為櫟。
長為佳人刷髮雲。

新樹

和歌顯

五山

澹沲薰風吹雨水。園林競秀綠陰稠。何人新製瑠璃障。
遮住前山不入樓。

福壽草

同

小草春抽第一科。磁盆寵得養陽和。黃金散盡無人賞。
還與胡蘿不較多。

又

蘆洲

元是陶家一種芳。野人籬落駐春長。朱門別給新禧贈。
小草名兼福壽祥。

紫雲英

同

曾飄紫袖舞青春。態妙雲英掌上身。如今又試東郊步。
抽得蓮花到處勻。

詠路傍草花

雲如

井字田塍雨乍晴。春風開遍紫雲英。村姑也做潘妃樣。
小小蓮花趂步生。

箭頭草

蘆洲

羽巢寄莖春更稠。相逢野雉莫深愁。近無獵騎執弓去。
紫鏽已能埋箭頭。

燕子花

朴齊

識個前身栖画梁。却無一語說興亡。滿池花影風吹動。
惟解映波時頡頏。

蝴蝶花

茶山

嫩葉輕葩似欲翻。可憐韓蝶入香根。宋莖春晚東風急。
開著幽花又斷魂。

洛陽花

錦城

可憐媚嫵小欄中。意態依稀石竹同。休道春歸芳事歇。

洛陽花節屬薰風。

又

米庵

細繒剪出簇紅霞。十瓣重臺艷更加。至竟金錢籬落物。
繁華何似洛陽花。

瞿凌

五山

好向僧家托此身。瞿曇同姓定前因。只言脂粉損真相。
誰識麗容元絕塵。

牽牛花

米庵

灌養家家勝舊時。小盆各種鬪新姿。人工奪取天工妙。
紫白紅黃幻出奇。

胡枝花

溪琴

夢游昨夜謁虛皇。弄笛歸來騎白凰。玉女機頭秋錦冷。
天風吹落一團香。

又

蘆洲

薄命佳人寄楚家。柔荑日拂佛幢霞。秋風一曙生天去。
石上唯留落帚花。

白胡枝

竹外

吹落銀河浪一堆。忽然怒立忽然頽。天明始認西風度。
千縷胡枝花盡開。

雨中萩

和歌題

五山

胡枝花發亂成叢。勾引遊人蹊自通。一雨黃昏秋冷淡。
嬌容却在濕紅中。

名所款

同

五山

柔枝裊娜得風輕。一雨初過返照明。膩紫嬌紅秋滿野。
直將宮錦裊宮城。

行路款

同

六如

萬叢紫艷擁宮城。原路人歸老鹿鳴。白露秋風悟浮世。
古來唯有一西行。

雨中菖蒲

和歌顯

同

家家插戶答佳辰。雨裏青莖久更新。聖代無人嘆獨醒。

爭和壽暉。芳津。

吉祥草為友人

茶山

托根幽處鎮凌寒。不似芳叢逐日殘。能避紛華守吾業。
人間自有吉祥蘭。

小盆萬年青

詩佛

雙雙舒葉綠伶仃。恰似翠禽梳兩翎。非是壺公別天地。
何能貯得萬年青。

葛西春菰

六如

甘脆菰心飽雪霜。迎春細蕾裏微黃。便和芥子下鹽豉。
一段精神裂鼻香。

女山大蘿蔔

珮川

休說鎮州蘿蔔頭。女山名種大專牛。村隣有個饒夫子。肚裡年年領幾疇。

筆頭菜

六如

紫芽戢戢筆尖如。智永塚邊膏雨餘。無限春愁爭寫得。依前禿盡老中書。

栗菌

又名舞茸

柳灣

瓦鉢塼鹽木葉焚。曼羹盈室有奇芬。仙家恐可無斯法。帶雨朝烹一朵雲。

秧鷄

同

短宵格格苦催明。憐汝田間應候鳴。但恐農翁殘夢底。
聽為租吏打門聲。

雲雀

六如

軟日柔風悅鳥情。仰頭遙聽入雲聲。知他正有箋天事。
應為芳時乞一晴。

告天子

五山

野烟初暖散朝陰。茶褐衣輕春已深。決起才揚三四尺。
帶聲徑上幾千尋。

看看仰面眼將穿。午日薰人笠影圓。飛最高時乍相失。
聲微杳在彩雲邊。

一身容易下雲梯。叫罷天闌日未低。斜落籬間無覓處。偶然認得菜花西。

千鳥 和歌題

淇園

細羽翎毛各有文。霜洲雪渚動成群。夜深更似情尤切。風際哀呼徹曉聞。

千鳥 同前

六如

葦灣野水寄微生。千隊嘈嘈不住鳴。直置老來睡難熟。月斜霜白二三更。

寒夜千鳥 同前

同

獸炭添爐夜尚寒。暗知細雪灑林巒。衆禽報曉胡雲重。

噪入回風往復還。

河千鳥

同前

五山

小禽幾隊度霜旻。風冷去來千苦辛。河上翱翔知底事。當年猶想賦清人。

春駒

同前

六如

新齒纔齊未當馱。春風草軟戲平坡。他時倩汝踏花去。莫厭少游随伏波。

野春駒

同前

五山

野垌烟暖草萋萋。自在春風任碧蹄。太勝天街金絡首。朝朝立仗仰官奚。

駱駝

五山

跼蹐西來萬里餘。廟堂無路負當初。知風知水渾閒事。
只解看錢博幾車。

松魚

詩佛

新味初來上店時。萬錢爭買貴珠璣。吳人謾道鱸魚美。
誰為鱸魚典却衣。

白小魚

同

一寸銀絲好膾材。舉罾發刺雪花摧。小魚亦愛春光好。
直遡落花流水來。

大刀魚

如亭

呐喊聲消天日麗。波濤海靜太平初。折刀百萬沈沙去。
一夜東風盡作魚。

海參

茶山

生在東溟萬里濤。微軀何得伴鯨鰲。可憐一入枯魚肆。
驚向唐山價始高。

詠平家蟹

梅痴

豪華淘去浪悠悠。蘆荻叢邊浸古愁。今日英魂歸郭索。
腥風怪雨海莊秋。

多賀城古瓦硯

寬齋

未央銅雀是吾徒。藝圃功勲休道無。請看一千年外事。

邊霜城上晚。強胡。

詩筒

六如

寫將吟緒著。到筒。一唱一酬。西又東。兩節間容盈尺地。
江雲渭樹在其中。

詠大石氏杯

枕山

森巖酒令數條成。衆飲分明有典型。知是行杯如唱義。
泚然一舉不容停。

又

雪江

一巡卅士醉皆露。酒令嚴於軍令嚴。最是復讎風雪夜。
此杯衆裡要先拈。

梅符

佛山

自在天神可敬哉。靈符徧布四方來。一翻調鼎和羹手。
今日濟民還是梅。

大佛錢

珮川

誰把毗盧遮那身。鎔成無數小真人。爾來白水流天下。
除澤難霜唯赤貧。

曾鑄金人是物妖。漫言兵氣待渠銷。化為阿堵真英斷。
平賊況能扶聖朝。

須磨琴

默庵

緩擲輕攏夜向深。一絃能具七絃音。松風村雨仍盈耳。

想見當年謫客心。

又

青村

操出松風村雨歌。玲瓏一柱小雲和。希音縹緲真天籟。
妙趣元來不在多。

紙鳶

杏坪

湘筠為骨紙為膚。瑩淨塵埃一點無。縱使鴟鳴向天際。
不_下回腐鼠嚇鵲雛。

風箏

城川

乍疑廣樂起鈞天。非樂風箏雲外懸。莫謂飄飆未如意。
淺深只賴一絲牽。

道中雙六

弘庵

太平歲月奉春王。百里行程不裹糧。兒戲何人寓深意。葵心都向九陽光。

忍冬酒

珮川

山花采采爛金銀。甘露和將堪釀春。肯許羽仙私美祿。享天一味醇乎醇。

豆沙餠

大典

顆顆新蒸筐裡隨。幽人煮茗賞相宜。不教何氏誇十字。欲使劉郎入一詩。

凍豆腐

栲亭

合識神僊雲作糧。白雲山上凍如肪。果然不是人間味。
敢比時家小宰羊。

詠於鍊牡丹餅

崧庵

阿娘纖手弄芳柔。魏紫姚黃甘露浮。春色依君書院畔。
沈香亭北帶嬌羞。

皇朝分類名家絕句卷之四

皇朝分類名家絕句卷之五

省齋石川介編

題畫類

四條納涼圖

茶山

士女挨塲幾萬人。時裝一樣越絺新。紫巾認得為姣子。
墨齒知他是近臣。

東山雪日圖

茶山

買醉圓山雪暗林。愛看狂絮點杯心。下階誰妓為何事。
抽得銀釵手試深。

題嵐山圖

枕山

碧松涵影碧潺湲。霽景催遊午正暄。好是一篙新漲裡。
春船載美泝櫻源。

題富士山圖

目是

傳聞日出拂扶桑。又說蓬萊不可航。東海崧高名富士。
始知身已在仙鄉。

士嶽圖

花亭

王容端止九霄間。獨立無爭氣象閒。標得含仁君子國。
百蠻遙欲仰名山。

富嶽圖

得齋

昨夜天仙此聚班。宴終皆駕鳳駝還。猶留一片瑤杯在。

倒掛南箕北斗間。

題文晁画富士薄暮圖

茶山

紅輪西沒隱三峯。峰色模糊別作容。非是東游經久客。
誰知一棹黑芙蓉。

日光瀑布圖

小竹

天河傾倒萬奔雷。目眩耳聾肝膽摧。怪他探勝東歸客。
只說金銀佛寺開。

題養老瀑布圖

春樵

山鳴溪響湧雲烟。瀑瀑豈容教近前。却恨昔年經過日。
巉巖逢早過溪潺。

顯奈古曾關圖

茶山

關門形勢扼蝦夷。憶昔東征駐四騏。清世窮邊路無梗。行人間唱落花辭。

窟前奏樂圖

湖山

律呂相和鼓吹聲。僊僊神女舞衣輕。當時非有謀臣在。安得千秋仰大明。謀臣指思兼命

既戶皇子拜佛圖

琴臺

憲法初成諸業昌。聰明智慧繼先皇。奉款會同蕭叔達。悉心乾竺大雄王。

延喜帝寒夜脫御衣圖

拙堂

堪恨重華聽斷違。浮雲蔽日暗王畿。紫溟故相泣恩賜。
却為寒民脫御衣。

武內抱幼主圖

茶山

絕海何名大出師。欲將遺詔撫邊陲。東方自古誇驍勇。
誰及君臣盛一時。

伊企灘罵新羅王圖

枕山

日本之刀氣共剛。為擒不屈罵夷王。偷生瓊岳穢於土。
何似死臣臀肉香。

膳臣刺帝圖

湖山

不知中夜失其兒。君子周身防或非。手及於菟復仇去。

殊邦幸不墜皇威。

浦島子婦家圖

石秋

天台無策駐劉郎。畢竟仙家事可量。卓識千秋漢成帝。
溫柔不換白雲鄉。

管公画像

黃石

千里飛梅夢寐深。應緣清白愜孤襟。一枝持得修姱節。
也似靈均紉蕙心。

管公祈天圖

隨齋

一片丹心已動天。遠遷豈有訴天牋。神威元自雷霆赫。
枉被人間作画傳。

安部仲麻呂望月圖

佛山

三笠山頭一輪月。孤舟海上欲歸人。千秋只有清輝在。

應識是卿非叛臣。

先儒有識仲麻呂仕唐以為叛者

題義家画像

春樵

前九後三征賊軍。多年謀戰奏殊勲。治兵果出治經手。
有似却金囊允文。

人幡太郎踰名古曾關圖

茶山

三歲懸軍帶塞沙。英風猶不廢詞華。令嚴行伍無多事。
卓馬關門咏落花。

題八幡公過勿來關圖

珮川

九載東征缺我旂。關山歸馬獨彷徨。春風無限英雄恨。
幾陣花飛滿路傍。

又

誓掃胡塵不顧家。縣軍萬里向邊沙。馬頭殘日東風惡。
吹落關山幾樹花。

又

枕山

鈴韜餘事尚詞雄。詠向關門駐鐵驄。部伍令嚴春晝寂。
白旗不動落花風。

又

磐溪

白旆央央辭帝家。春風躍馬入煙霞。知君勝策無遺策。

橫柴關門詠落花。

又

湖山

誰言百戰不酬功。萬里東邊指掌中。身帶恩光出關去。
征衣春暖落花風。

又

支峰

多年百戰不酬功。又擁征旄向海東。勒馬空吟惆悵句。
勿來關外落花風。

題八幡太郎獻弓鎮夢魔圖

山陽

百戰癡瘕未酬功。龍鍾白首為誰雄。此身不及黑蛇影。
得道五雲香暖中。

新羅三郎足柄山吹笙圖

磐溪

邊塞光徒未伏誅。吾兄幾歲苦馳驅。一聲吹徹離鴻曲。
憑寄秋風到海隅。

宗任詠梅圖

枕山

當日王人亦暴哉。宸園惡折辱花魁。輸他東鄙縲囚
士。解道堂堂我國梅。

顯鎮西八郎圖

山陽

一箭曾期定八洲。豈圖失路老荒陬。剩將當日穿楊技。
弋獲琉球葉大州。

實感戰沒圖

花亭

北陸殉身錦戰衣。如於東海更增輝。士川不洗頭絲墨。
潰却平軍水鳥飛。

源為朝射戰艦圖

雲嶺

猿臂斷筋何足憂。水城一箭忽浮漚。朝家當日依吾策。
此鎬粉堦平賊頭。

題牛穉從母奔圖

山陽

索乳柔拳凍欲龜。白旄佗日挽回春。可憐命薄成終始。
又佐芳山踐雪人。

源廷尉流弓畱

杏坪

帝貢猿臂一門空。多力徒為萬鬼雄。廷尉復讐如射鳥。

休羞不挽六鈞弓。

辨公杖叩源判官量

蘆洲

豪僧策妙主君安。免得巖關吏卒看。客舌休誇脫函谷。叫雞容易叩牛難。

那須資隆射扇圖

琴臺

兩軍相亂走艨艟。紅袂香翻屋島風。一箭若非穿扇鼓。神謀還缺萬人雄。

顯北條時賴佐野某繡像

梅墩

儉以率身由祖訓。鬼能鏖虜見孫謀。何須八使問民病。飛錫親巡六十州。

大雪壓檐檐勢危。爐紅一點欲消時。無薪何以留佳客。
剪盡盆梅不自知。

滑川拾錢畧

磐溪

不教遺利委泥塗。此老通才却似迂。一束松明何問價。
夜江撈得十青錢。

縋竹出城畧

湖山

年僅十三筋力柔。妙機深筭與神侔。誰畧玉葉金門子。
獨向天涯歎父讐。

備後三郎題詩畧

小竹

忠憤題詩感鬼神。山櫻應亦護西巡。他日南中花萬樹。

開成正統一王春

備後三郎題詩櫻樹圖

磐溪

蠡也沼吳心自期。君王出狩且休悲。稜稜俠骨香千古。
一樹櫻花十字詩。

高德題櫻圖

枕山

老蠡輔主是心期。一樹春風兩句詩。若得功成乃身退。
携花也合當西施。

白樹題詩圖

湖山

慨然白樹寫微誠。鬱勃胸中十萬兵。不止文人詭畫美。
真成五字是長城。

新田左中將吹笛番

曰是

百重圍解雪初晴。渙父船中天樂聲。為惜南風無氣力。
勤王志業竟難成。

楠中將持盃番

茶山

決志無怨還誠子。陳謀不聽轉憂君。黃雲滿地山河暗。
盃酒從容送賊軍。

楠公別子番

山陽

海甸陰風草木腥。史編特筆姓名馨。一腔熱血存餘。
分與兒曹灑賊庭。

秦川戰死番

磐溪

王事寧將成敗論。能知順逆是忠臣。斯公一死兒孫在。
護得南朝五十春。

源淮石

茶山

陪臣強僭竟何如。霸府驕奢亦忽諸。王氏青箱冒家筆。
中朝文獻未全雲。

太田道淮借叢書

拙堂

鬚眉却愧對娥眉。感悟黃金花一枝。野路名篇詫日雨。
回思村舍借叢時。

太田特實借叢書

竹外

風雨田家去。抽麻英雄何不悟。危機。刀槍弓馬吾無欠。

只欠青簑一領衣。

山中鹿介拜月圖

竹外

百敗何曾偃義旗。馬頭望拜月如眉。天荒地老無窮恨。獨有清光似舊時。

桶挾閭野戰圖

蘆洲

黃塵滿眼接陰雲。軍鼓陣鐘彷彿聞。却憶西征烟雨暮。芑蒲亭畔吊松墳。

題信玄拍麾扇面

小竹

指麾如法役精兵。不忝新羅烈祖名。當日峽中無壘壁。素紈一握是長城。

不識庵擊機山圖

山陽

鞭聲肅肅夜過河。曉見千兵擁大牙。遺恨十年磨一劍。
流星光底逆長蛇。

不識菴擊機山圖

磐溪

奔流激薄馬騰驤。長劍飛光逐北忙。笈殺兇髭狼狽甚。
欲將麾扇捍冰鉾。

豐太閤裂明冊面

竹外

玉冕緋衣如糞土。冊書信手裂縱橫。自從霹靂震萬里。
直至今尚有聲。

題加藤清正像

松南

兒女到今猶記名。唯宜壯繆比威靈。不求更學春秋傳。
自有圓珠一部經。

顯利休居士像

六如

人言桑苧一流人。黃帔烏紗難認真。應自松風入三昧。
至今尸祝作茶神。

又

山陽

杯椀絃評即百城。可憐蘊醢先韓彭。卻勝猱郎鬼長餒。
清風傳得一家聲。

利休像

枕山

烏帽籠頭貌灑然。茶神以後有茶仙。一甌能取千金價。

應笑陸家三十錢。

又

雪江

雅會東山閱幾春。一筌拋撇手中神。當時豪傑多粗暴。
茶禮先能化武人。

又

蘆洲

曾學古溪難悟玄。衣寬方悔不拋筌。鳥鴈一啜小齋。
春半如秋花落天。
好事于今競瀹茶。清風傳得古千家。忍看夜落如春夢。
瓶撇金錢一朶花。

題芭蕉扇

六如

萬象經吟便覺清。周流天下總知名。觀身自省芭蕉脆。
却為後人金鑄成。

芭蕉翁像贊

星巖

僅十七字宛天工。能寫人情近國風。持示村婆也能解。
香山以後是蕉翁。

芭蕉像

枕山

非道非僧闢一門。嘲花弄月養心源。書生漫詫三千字。
輸與斯翁十七言。

芭蕉翁像

佛山

藝圃爭開幾種花。紅黃紫白各相誇。誰如一個芭蕉樹。

占得清風別住家。

徂徠先生像

枕山

講學專心駁陸朱。修辭餘力輯孫吳。後生可畏公何說。自是皇朝第一儒。

題雪山像

蘆洲

書訣親傳妙奈何。爭同摸帖促妖魔。知他獨立輪三立。手拔衡山筆力多。

舉扇何唯蔽庾塵。鮮衣手浣恐汗身。幕天沐雨東山宴。醉戲名花換妓人。

紫式部草源語圖

紫臺

賢媛讀破漢唐書。裝點庖言五十餘。彤管有才存諷旨。
幾人追慕費分疏。

常盤雪中抱孤圖

皇墩

雙珠完得鐸成瑕。一代容光陰麗華。他日鏤臺歌白雪。
歲寒更有女貞花。

常盤抱孤圖

星巖

雪深笠檐風卷袂。呱呱索乳若為情。他年鍊拐峯頭嶺。
叱叱三軍是此聲。

常盤雪行圖

花亭

才否孩提未可知。興亡天運豈能期。夫讐奉帚腸何輒。

難學貞松耐雪枝。

又

枕山

雪沒弓鞋不可行。呱呱含凍欲無聲。莫強一笠危將破。
中匿亡讐數萬兵。

妓靜鐮府奏舞畱

茶山

舞袖蹁躚粉黛嬌。可憐心曲篋中焦。朱唇一闋縑絲唱。
不補當年尺布謠。

題妓靜舞畱

詩佛

嬌容裊娜太多情。柳弄腰肢風力輕。一曲霓裳羽衣舞。
誰知中有閨牆聲。

靜妓奏舞苗

昆溪

貞心堅固賦繅章。唱立堂前舞袖長。郎母當年空踏雪。
事讐俯伏只柔腸。

又

雲嶺

舞衣掩淚上場遲。別鳳離鸞入曲時。銅鼓從教大臣拍。
更無和樂及填箏。

奈良左近妹

永祿時人

茶山

名花常抱折枝憂。佳色多成招禍由。猶快女郎松柏節。
一刀并復母兄讐。

顯大原賣新女苗

詩佛

東新賣與向誰家。戴得重重壓髮鴉。知是深山春未老。
數枝剗挿晚櫻花。

美人摘菜畝

殺堂

春園月落曉沈沈。一片尖寒逼繡襟。又為籠鶯朝餉急。
玉纖和露摘薑心。

南極老人畝

山陽

風月西湖他日愁。軟紅塵裏酒如油。星精寧計途差遠。
不向杭州向汴州。
宋人謠云西湖風月不如東華軟紅香土

題福祿壽三星像

寬濟

福星抱子祿星冠。南極星芒夜更寒。此事人間誰併得。

馮君莫作等閒看。

鐵拐仙謠

寬齋

埋却形軀無處歸。路頭借得乞兒衣。一條鐵拐人休笑。
依託風雲自在飛。

又

星巖

般精運氣化為神。身外有身千億身。鐵拐木瓢皆幻相。
不知孰是本來真。

蝦蟆仙謠

寬齋

身與蝦蟆同一流。沈浮人世幾千秋。從來不乏藏形術。
却被丹青畫得留。

又

星巖

寶鏡新開丹桂香。蝦蟇得意正跳梁。一條靈氣串天地。散住金華萬道光。

菊童子圖

小竹

南陽人飲黃花水。耆壽依然童稚姿。未及陶翁能愛菊。樂夫天命復奚疑。

高砂翁媪圖

錦城

結髮夫妻生耳毫。雙頭戴雪識年高。掃收落葉古松下。老健擬更孫子勞。

題翁媪刈薪浣衣圖

靜軒

刈盡浮榮浣盡塵。溪山偕老幾年春。想應當日秦臺上
吹徹洞簫騎鳳人。

布袋和尚

茶山

聞君到處每醫貧。纔有斯聲便醉人。塵事平生帶微笑
笑他戶戶祭為神。

又

寬齋

人疑和尚未離世。腹肚便便袋不虛。休問此中何所有
此中一物本來無。

又

星巖

日飲亡何米汁佛。醉來醉去絕真如。莫欺一口慈皮餓。

容得大千猶有餘。

布袋和尚偈

小竹

聖賢道術有窮通。豪傑功名無始終。安得偕來師布袋。
人間萬事擲其中。

又

弘庵

踏破枯禪文字關。游嬉自許出區寰。那知腐臭殘皮袋。
寫在塵塵劫劫間。

能回禪師曝首偈

茶山

誰言一點得痴名。情自痴生痴自情。今古無情人滿目。
枉將點計日營營。

題西行像二首

隨齋

一拋弓矢道心深。任口閒吟卓古今。畢竟逃名逃不得。
行雲流水有清音。

一夜談兵亦上乘。纖塵不污玉壺冰。將軍何異兒童見。
湯把銀猫瞞老僧。

題僧西行野望圖

山陽

秋浦禽飛殘照沈。蕭條人事暗侵尋。獨將冷眼憐衰色。
誰識無心是有心。

西行法師拋銀猫圖

同

銀毛出袖衆兒呼。月使渠懷礙念珠。當日早收擒虎手。

愧擎拳大小狸奴。

日蓮上人像

蘆洲

即身成佛說非空。妙在蓮花一卷中。四十餘年方便耳。見他真實是斯公。

顯兼好讀書畫

春水

避俗山邱花繞家。生知閱得有無涯。半夜燈前足尚友。幽窓聽雨讀南華。

兼好法師像

雪江

徒然草就悟禪初。宿昔勤王心未疎。欲徇北朝奸賊隙。為人破戒寫情書。

戲題和合神黃

星巖

雲雨多情歡喜天。禽蟲庶物亦皆然。老夫不免雙神笑。
辜負香衾二十年。

題窮鬼黃

詩佛

顏淵陋巷簞瓢耳。楊子草堂脩石無。如識多財損吾志。
一生應免子揶揄。

夜叉念佛黃

栲亭

獠牙難入苾芻群。試取袈裟換豹裙。斯心明鏡如相照。
多怕人間不若君。

夜叉念佛黃

柳灣

真實信心誰得真。儼然為現夜叉身。安知念佛扣鉢者。
不是含牙藏角人。

住古舞畝

同

現來街上叫花身。莫是西天古應真。阿難唱歌迦葉舞。
于今瞞殺滿城人。

顯蝦夷人畝

山陽

懸崖雪採羅熊膽。絕海水沍腥膈瘡。千鳥侏離歸版籍。
桑弘鐵戟是鉏犁。

顯西櫻花

六如

妖冶風標百卉王。東方宜矣占韶光。若令川洛有茲種。

寧可^三二花^三矜夜郎。

題櫻花畱

荏庵

淡烟疎雨柳成絲。寒食清明忽地移。細上春風終不斷。
櫻花長滿萬年枝。

松竹梅畱

寬齋

惟松落落竹森森。招取梅花契更深。結友閒園俱老健。
百年不負歲寒心。

報春花畱

隨齋

銀沙密布土盆中。金盞擎來淑氣融。懷得東都花市鬧。
臘天早已賣春風。

人日七種菜菔

栲亭

縹萸藿靡放毫生。七種坐輸人日羹。犯雪冷饒何用荷。
春風自在倚鑪迎。

七菜菔

小竹

曾聞淡泊志能明。喫菜應期百事成。七種傳來舊風俗。
古人人日戒人情。

吳岸諸子合画七種秋花菔

栲亭

秋寧寂寞藻人家。瀟灑似優春苑霞。黃萸白茅蘭瞿麥。
胡枝日及鹿腸花。

画款冬花

山陽

蔬圃春風長嫩芽。綠苞孕得小黃葩。馬蹄紫陌思陳迹。
蓬著僧房是此花。

柿實畧

隨齋

霜威一夜凜山園。錯落珠紅碩果繁。緬懷葦食迎師日。
大柿供來取大垣。

海旭松鶴畧

枕山

一輪紅日萬株松。鶴頂如霞海氣濃。昨夢分明蓬嶠曙。
長人磊落駕蒼龍。

杜鵑叫月畧

花亭

夏立新鵲叫過時。居人喜聽旅人悲。夜來齊破兩家夢。

月照水精花一籬。

画牛

精里

誤呈鼻孔任人穿。去去来来苦掣牽。午餉片時容我睡。
平原日暖草芊綿。

猴戲

山陽

失脚何年陷鎖纏。朝三暮四在跳梁。倦眠猶夢故林否。
柿栗纍纍方飽霜。

美猴

星巖

朝四暮三瞞衆望。但公此段好商量。半生誤作猢猻主。
我亦平江周一郎。

武林舊事美猴
人平江周一郎

獼猴捉月番

同

一輪影落井中波。連臂倒懸如汝何。人畜異形同意見。
老獼猴主即提婆。

狐羨油鼠番

珮川

藏尾寧知有画工。分明早已奪神通。世間名利亦油鼠。
多少才人罟撲中。

老狸鼓腹番

柳灣

談論三日出愈新。欲屈當年博物人。如今無復張華輩。
閒學昇平鼓腹民。

老狸拜月番

枕山

皂衣郎老已非痴。被辱張華彼一時。拜得素娥欺阿紫。
千年華表月如霜。

題源語初音卷画冊

湖山

淺笑低顰兩有情。紅樓相對詠初鶯。當時閨閣風流甚。
不數蘭英與蕙英。

吳梳珠眉

柳灣

梳中空有轉來頻。翻覆誰能辨幻真。請汝休誇藏櫨巧。
世間多少弄珠人。

題南部曆

枕山

古來陸奧倣伊勢。一紙今頒春立時。誰道山中無曆日。

能將景物寫千支。

寶船圖

弘庵

吉山誰悟總由人。聚寶船頭画福神。夢裏得祥祥是夢。
黃梁榮達豈關身。

寶船圖

雲嶺

鶴翎風送錦帆斜。天下滔滔望福遐。萬寶滿船神不管。
漕輸積德累仁家。

擣衣圖

石秋

合歡衾裏每宵情。寧有寒衣寄遠征。秋好長安城下月。
家家笑語雜砧聲。

又

佛山

嬌歌斷續和砧聲。永夜搗殘山月明。時泰曾無遠征苦。
秋風何動玉關情。

皇朝分類名家絕句卷之五終

Editor: 石川省齋 (Ishikawa, Seisai)

Title: 皇朝分類名家絶句
(Kōchō bunrui meika zekku; Collection of Chinese
Quatrains Written by Distinguished Japanese
Writers)

Place: Tokyo

Publisher: 萬青堂 (Banseidō)

Date: 明治 2 [1869]

3v. (double leaves)

Text in Chinese.

PL2651
.I79
v.3



石川鉞太郎輯

明治二年己巳十二月

官許

東京

書林

須原屋

茂兵衛

山城屋

佐兵衛

和泉屋

吉兵衛

和泉屋金右衛門

須原屋

伊八

福田屋

勝藏

和泉屋勘右衛門

英屋

文藏

島屋

平七梓

